

AWIG - AWIG DESA PAKRAMAN BADA



DESA BUAHAN KAJA
KECAMATAN PAYANGAN
KABUPATEN GIANYAR

**PIDAGING MAKA BANTANG
AWIG AWIG DESA PAKRAMAN BADA**

		Widang
SARGA I	ARAN LAN WEWIDANGAN DESA	2
SARGA II	PATITIS LAN PAMIKUKUH	2
SARGA III	SUKERTA TATA PAKRAMAN	3
	Palet 1. Indik krama	3
	Palet 2. Indik Prajuru/Dulun Desa	8
	Palet 3. Indik kulkul	10
	Palet 4. Indik Parurnan	12
	Palet 5. Indik Druwen Desa	14
	Palet 6. Indik Sukerta Pamitegep	16
	Kaping 1. Karang , Tegal lan Carik	16
	Kaping 2. Pepayonan	17
	Kaping 3. Wewangunan.....	19
	Kaping 4. Wewalungan.....	19
	Kaping 5. Bhaya.....	20
	Kaping 6. Panyanggran Banjar	21
SARGA IV	SUKERTA AGAMA :	
	Palet 1. Indik Dewa Yadnya	22
	Palet 2. Indik Rsi Yadnya	27
	Palet 3. Indik Pitra Yadnya	28
	Palet 4. Indik Manusa Yadnya	33
	Palet 5. Indik Bhuta Yadnya	34
SARGA V	SUKERTA TATA PAWONGAN :	
	Palet 1. Indik Pawiwahan	34
	Palet 2. Indik Nyapihan	37
	palet 3. Indik Sentana	39
	Palet 4. Indik Warisan	40
SARGA VI	WICARA LAN PAMIDANDA :	
	Palet 1. Indik wicara	43
	Palet 2. Indik Pamidanda	44
SARGA VII	NGUWAH - NGUWUHIN AWIG AWIG	46
SARGA VIII	S A M A P T A	46

DESA PAKRAMAN BADA

M U D H A C I T T A

AUM, OM

Om Swastyastu. Om Awighnamastu Nama Siddham,

Malarapan panghyangning Ida Sang Hyang Widhi Wasa, Asung Kerta Nugraha Ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban krama Desa rawuhing kula warga pawongannya. Desane kamanggehang Bhuwana Agung, pawongannya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- Ha. Parhyanagan, sahaning kahyangan, panyiwian desa genah ngarcana Ida Sang hyang Parama wisesa, maka jiwane desane.
- Na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti
- Ca. Palemahan, tanah kakuwuban desa, singgeh stula sarinaning desane

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha Krama Desa Pakraman Bada.

Pamutus sabdha inucap pinaka sepat siku-siku pamatut, wastu prasida prayojanan mami kabehi prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

- (1) Desa Pakraman Puniki mawasta Desa Pakraman Bada
- (2) Jebar kakuwub wawidangannya mawates nyatur :
 - Ha. Sisih wetan ring Desa Tengipis;
 - Na. Sisih kulon ring Desa Gata;
 - Ca. Sisih Lor ring Desa Singaperang;
 - Da. Sisih Kidul ring Desa Selat;
- (3) Desa puniki kawangun antuk karang ayahan Desa utawi karang gunakaya tur kasungkemin olih desa pakraman Bada.

DWITYA SARGAH

PATITIS LAN PAMIKUKUH

Pawos 2

Desa pakraman Bada ngamanggehang pamikukuh minakadi :

- Ha. Pancasila
- Na. Undang-undang Dasar 1945 pamekas pasal 18 ;
- Ca. Pasuwaran sing mawang rat nganinin indik Desa Pakraman.
- Ra. Tri Hita Karana manut sada cara Agama Hindu.

Luwir patitis Desa Pakraman Bada :

- Ha. Ngukuhang miwah ngrajegang Sang Hyang Agama
- Na. Nginggilang tata Prawertine maagama
- Ca. Ngrajegang kasukertan Desa saha Pawongannya sakala lawan niskala.

TRITYA SARGAH

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa.
- (2) Sahanan sang madruwe tanah yadiastun wit ngontrak, numbas, sane maagama Hindu tur jumenek mapaumahan ring wawidangan desa pakraman Bada, tan kaiket antuk adat wit ipun, patut tedun makrama desa kariyinin antuk pasadok ring prajuru dulun desa inucap saha nawur pananjung agung alit manut pararem, tur satinut ring sahanan daging awig-awig desa pakraman Bada.
- (3) Yaning tan jumenek, keni Tigasana nyabran ngasasih agung alit manut pararem.
- (4) Sajaba punika sinanggeh Tamiyu.

Pawos 5

Krama Desa werten 6 (nenem) pawos **luwire** :

- Ha. Krama Ngarep, kula warga **sane ngamong karang**, utawi manut pararem;
- Na. Krama Batan Paha, krama **sane gamong karang kemawon** ;
- Ca. Krama balu, krama **sane katinggal seda oleh sinalih tunggil lanang** utawi istrinyane ;
- Ra. Krama Nyapihan, krama **sane palas marabian manut pararem** ;
- Ka. Krama-tapukan, kulawarga manut aksara ha **utawi na ring ajeng sakewanten durung** antes ngayah utawi **salami kantung** masekolah malarapan ilikita **pastika saking sekolahnya, durung mawiwaha**, manut pararem ;

Pawos 6

Ngawit dados Krama Desa :

- Ha. Sangkaning **ngamong karang**, jenek mapaumahan utawi manut pararem ;
- Na. Mawiwit pawiwahan

Pawos 7

Panamaya tedun makrama Desa ;

- Ha. Ngantos 3 (tigang) sasih mawiwit pawiwahan;
- Na. Jenek mapaumahan, manut pararem;
- Ra. Nyabran werten pinunas saking jadmaw siosan;

Pawos 8

Sahana Krama Desa keni tategenan luwire :

- Ha. Ayah Ngarep, mapiteges urunan miwah ayahān mamungkul;
- Na. Ayah Batan Paha , mapiteges keni urunan ring Pura Dalem, Pura Praja Pati lan Balai Banjar;
- Ca. Ayah Balu miwah Nyapihan keni urunannya miwah papeson mamungkul nanging ayahān nyane manut kahanān balu / nyapihan inucap ;
- Ra. Ayah tapukan, keni urunan mamungkul kaluputang ayah-ayahān, ngantos mayusa 17 warsa utawi sampun mawiwaha. Yaning kantun masekolah, taler kaluputang ayah-ayahān, malarapan ilikita pastika saking sekolahnya.
- Ka. Prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni panimidanda manut pararem, tanjek laler kawastanin.

Pawos 9

Swadharman Krama, sewosan ring tategenan, luwire :

- Ha. Tinut saturut ring sadaging Awig-awig, pararem lan paswaran Desa;
- Na. Tan maren ngutsahayang mangda Desane mrasidhayang nyujur manut patitis;
- Ca. Tinut saturut ring Guru wisesa.

Pawos 10

1. Krama desa/ banjar sane sampun manggeh daha truna mapupulan dados sekaa truna.
2. Pupulan sekaa truna patut nyanggra krama desa/banjar ritatkala ngawentenang dewa Yadnya manut kabuatang.
3. Ngawentenang/ nitenin taman – taman telajakan ring sajeroning desa/banjar miwah nyarengin gotong royong ngardi kawersihan desa

Pawos 11

Swadharman Tamiyu, luwire ;

- Ha. Tinut saturut ring yasa kertin Desane;
- Na. Tan piwal ring sadaging Awig-awig, pararem lan paswaran Desa;
- Ca. Nyadokang raga ring Prajuru arahina sasampun jumenek malarapan antuk ilikita pastika saking desane utawi sang ngawawenang;
- Ra. Yen tan tinut pacang kairid (tan kadadosan jumenek ring Desa)

Pawos 12

Pilih-olihan Krama ;

- Ha. Polih pasayuban sakala niskala tur kabawosin saha katiwakin pamutus sahanan wicaranya ;
- Na. Nyarengin paruman tur wenang sareng mastikayang pamutus ;
- Ca. Kadadosan madeg Prajuru, manut pararem.

Pawos 13

Krama Desa kadadosang ;

- Ha. Mapoangkid utawi tan tedun ;
 - 1) rikala mawangun, ngeraabin, mayadnya, nandur (mamulih), matepetin rare sungkan kaluasan, lan siosan punika ;
 - 2) kengin tempo wantah apisan, sajawanin wenten wak-wakan saking Prajuru Desa
- Na. Nyada. mapiteges ngamademang ayah, risampun mayusa 70 warga, tur tan dados nyuksuki ;

- Ca. Nyade, utawi nyuksukin, sane kawenangan risampun manggeh daha-teruna utawi mrasidayang nganutin krama ;
- Ra. Nutug ayah antuk arta brana saantukan kapialang utawi ngarereh karya doh tan prasida budal ngarahida..
- Ka. Krama ngarep tan kadadosang ngoot utawi nutug ayah antuk artha brana

Pawos 14

Wusan dados Krama Desa, luwire ;

- Ha. Sangkaning :
- 1) Pinunas ngaraga, manawi kesah kadura Desa utawi ngalangkungin sagara ;
 - 2) Kanorayang, duwaning sampun tan prasida ngesehin solah maprawerti satata nguwig pamargin Awig-awig.
 - 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting.
- Na. Sang wusan makrama :
- 1) patut ngaturang karang ayahan ka Desa, prade karang punika karang Desa
 - 2) tan polih pah-pahan saking padruweyan Desa sajawaning pah-pahan padruwen ring tempek manut pararem.
 - 3) Tan polih pasayuban sajeroning ala ayu.
 - 4) Sang wusan makrama desa/banjar prade mawali malih patut nawur saurah arih tategenan krama manut pararem.
- Ca. Sang wusan sangkanin kanorayang, prade mawali malih patut ;
- 1) muntasang saluwir pamidanda utawi tategenan sane ngranayang kanorayang;
 - 2) nunas geng pangampura ring paruman desa maduluran panyangaskara panyasap kaiwangan duwaning nguwak pasubaya pecak.

Palet 2

Prajuru lan Dulun Desa (Panglingsir)

Pawos 15

- (1) Desa Pakraman Bada kaenter olih Bendesa Pakraman
- (2) Banjar utawi tempekan kaenter olih Kliar Banjar / tempek
- (3) Bendesa lan Kliar Banjar patut :
 - Ha. Mawiwit saking krama ngarep wed kajangkepin antuk :
 - 1) Uning ring aksara latin utawi Bali ;
 - 2) Uning ring tata titining mawa desa ;
 - 3) Uning ring parindik Agama lan Adat;
 - 4) Lascarya ngayah tur madruwe parilaksana sane rahayu.
 - Na. Kaadegang malarapan antuk kacatri olih parumannya soang-soang nyabran 5 (limang) warsa, sejawaning wenten parindik tiis, tur dados kacatri malih;
 - Ca. Maduluran Dewa saksi ring Pura Bale Agung

Pawos 16

- (1) Bendesa kasanggra olih ;
 - Ha. Patajuh utawi Pangliman pinaka wakiinya
 - Na. Panyarikan pinaka juru surat;
 - Ca. Patengen utawi juru raksa pinaka pangamong druwen Desa
 - Ra. Kasinoman pinaka juru arah
- (2) Kasinoman akehnya manut kawigunan saha magilir nyabran ngasasih
- (3) Sajeroning ngenterang kasukertan niskala, Bendesa mingsingghang Pamangku Kahyangan Desa utawi sang Rumaga Sulinggih.

Pawos 17

- (1) Swadharmaning Bendesa Adat luwire ;
- Ha. Ngenterang pamargin sadaging Awig-zwig miwah pararem Desa;
- Na. Nuntun tur ngenterang krama rawuhing warga Desa sami ngupadi manut patitis;
- Ca. Mawosin kalih niwakan panutus arep ring wicara warga desa
- Ra. Maka dutta Desa matemuang bawos ring sapa sira ugi.
- (2) Prade Prajuru iwang palaksana keni pamidanda nikel ring kaiwangsoang-soang krama, tur dados karayanang manut pararem.

Pawos 18

Patias utawi olih-olihan Prajuru/Dulun Desa, luwire ;

- Ha. Luput rerampen lan papeson
- Na. Polih tanding tengah
- Ca. Upon pacatu / palaba carik / tegal ;
- Ra. Patias sewosan manut pararem.

Pawos 19

- (1) Prajuru / Dulun Desa kagentosin riantukan ;
- Ha. S e d a
- Na. Kanorayang dwaning iwang pamargi utawi nilar sesana;
- Ca. tan sida ngamargiang pamargi dados prajuru santukan sungkan tahunan manut ilikitan dokter (sang ngawawenang)
- Ra. Wit saking pakayun utawi pinunas ngaraga.
- (2) Nganorayang utawi ngentosin Prajuru / Dulu-duiu patut sajeroning paruman tur kaingkupin olih Krama Desa

Palet 3

Indik Kukul

Pawos 20

(1) Kukul ring Desa lawire ;

- Ha. Kukul ring Kahyangan
- Na. Kukul Desa;
- Ca. Kukul Banjar / Tempekan
- Ra. Kukul Subak
- Ka. Kukul Sekaa-sekaa siosan.

(2) Tabuh tatepakan kukul ring Kahyangan Desa ;

- Ha. Nungti / silih asih, tengeran wenten Yadnya / Upacara Ida Bhatara medal utawi katunan wali.
- Na. Tulud lambat. Tengeran tedun ngayah, makarya, mayadanya, gotong royong miwah paruman
- Ca. Bulus, tengeran wenten bhaya

(3) Tabuh tatepakan kukul ring banjar;

- Ha. Bulus :
 - 1) atulud bulus, tenger kageni bhaya
 - 2) 3 (tigang) tulud bulus, tengeran kapandangan (artha bhaya)
 - 3) 5 (limang) tulud bulus, tengeran jiwa bhaya
 - 4) 3 (tigang) klentungan bulus panjang, tengeran lindu er lan pawana bhaya

na. Lambat :

- 1) 2 (kalih) tulus lambat, tengeran tedun ngayah utawi wenten pakaryan
- 2) nungtit silih asih tengeran, surya grha, bulan kapangan;

ca. Klentungan :

- 1) 7 (pitung) klentungan, tengeran rare embas sane lanang 5 (limang) klentungan sane istri;
- 2) 9 (sisa) klentungan, tengeran pawiwahan
- 3) 3 (tigang) klentungan ngempang panjang, tengeran ngawangdeang karya
- 4) 3 (tigang) klentungan lambat tengeran kalayu sekaran

Pawos 21

- (1) Kulkul Desa utawi Banjar tan wenang katepak yening tan sangkaning pituduh Prajurit Desa / Banjar sawawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mamurug kadanda manut pararem
- (3) Kulkul sekaa-sekaa samaliha kulkul pondokan-pondokan tan kalugra nyawerin (matchin) sukat utawi tengeran kulkul Desa / Banjar sawawaning tengeran bhaya, prade mamurug taler kadanda manut pararem.

Paet 4

Indik Paruman

Pawos 22

- (1) Paruman / sangkepan ring Desa Pakraman Bada, wenten ;
- Ha. Paruman Desa / banjar, kawentenang ;
- 1) nyabran ngasasih, maka cihna tanpa arah-arah, dwaning sampun tetep panamaya manut pararem, nemonin rahina Sanisacara Kliwon.
 - 2) Napkala (padgata kala) maka jalaran arah-arah manut tatujon.
- Na. Sangkepar Prajuru / dulun desa, kawentenang manut wiguna ;
- Ca. Paruman sekaa-sekaa manut pabuat.
- (2) Paruman Desa utawi banjar madudonan sakadi ring sor ;
- Ha. Prasida lumaksana risampun katedunin olih sang patut ngamilitin, kamanggala antuk tengeran kulkul miwah mabusana Adat madya, saha tan kaluarga makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane ;
- Na. Maka sarana janggi, panggawit kalaksanayang panyacak sep-sepan saha riwusannya nyacak, ngetang dadosan agung alit manut pararem
- Ca. Tan kalugra ngawetuang suwara gora utawi byota, yan wenten asapunika keni pamidanda beya pacamil kadi dandaning ngumang-uman ring sabha:
- Ra. Pinaka pamungkah sangkepan kakawitin antuk panganjali
"Om Swastyastu"
- Ka. Pasankepan kapuputang antuk Parama Shantih
"Om Shantih, Shantih, Shantih, Om"
- Ra. Pamutus babawos beriuik sapanggul (ingkup) punika kamanggehang.

3. Prade pedaging paruman tan kaingupin mangda Prajuru/Dulun Desa ngilikang bebawos, saha pamutusna mangda kararemin olih Krama Desa, bilih tan prasida kasungkemin jantos ping tiga Prajuru/Dulu wenang nunas bawos ring Sang Ngawa wenang.

Pawos 23

- (1) Sajeroning paruman Desa, Bendesa patut nyobyahang pamargin ngenterang Desa, pemekas nganinin indik ;

Ha. Munjuk lungsuring pakraman saha ayah-ayah, sulur art berana, druwen Desa;

Na. Rarincikan Prajuru / Dulu nganinin usaha Desa kapungkur.

- (2) Pamutus paruman Desa sinaggeh pararem maka pamitegep daging Awig-awig

Pawos 24

- (1) Sangkepan Prajuru/Dulun Desa kawenangang wantah ngaricikang pangerencana usaha Desa kapungkur

- (2) Sangkepan Prajuru/Dulun Desa tan kawenang ngawedalang tategenan ring Krama sadetang kaingupin olih Krama Desa ring paruman.

- (3) Pamutus sangkepan prajuru/Dulun Desa ngawetuang pasuwara, maka pidaging pituduh sang Ngawenang utawi ngonekang pecak pararem krama desa.

Palet 5

Indik Druwen Desa

Pawos 25

Padruwen Desa Pakraman Bada sakadi ring sor :

Ha. Kahyanagan Desa luwire :

- 1) Kahyanagan Tiga ; Pura Puseh, Pura Dalem lan Praja Pati.
- 2) Pura Catur Bhuana
- 3) Pura Manik Tirta
- 4) Pura Bedugul

Na. Wantilan Desa

Ca. Tanah tegalan (manut ilikita);

Ra. Karang ayabar Desa;

Ka. Setra

Da. Palaba Pura, curik, tegal (manut ilikita)

Ta. Lelanguan, makadi tetabuhan lan ilen-ilen padruwen Desa/babanjaran luwire :

- 1) Gong
- 2) Ilen-ilen wali Pura ; Rejang, baris ;
- 3) Muvah padruvean tiyosan

Sa. Nyasa, sasanthi.

Pawos 26

Pilih-olih Desa Pakraman Bada luwire ;

- Ha. Pilih-olihan saking **palaba Pura**,
- Na. Urunan Krama Desa **Pakraman**.
- Ca. Paica saking Guru Wisesa
- Ra. Paica-paica sane tiyosan, **sape patut**,
- Ka. usaha Desa Pakraman

Pawos 27

- (1) Prajuru / Dulu Desa wenang **ngatangang** pamupon laba Pura lan sapanunggalan druwen Desa.
- (2) Pikolih lan pamuponnya kaangen **prabeya piodalan** saha wawangunan ring Pura miwah anggen kabuatan **Desa Pakraman**.
- (3) Nyabran pasangkepan Desa, Prajuru / **Dulu pangamong** druwen desa nguningayang parindik munjuk **lungsuring padruwen** ring Krama Desa
- (4) Sakaluwiring druwen Desa patut wenten **ilikitannya**
- (5) Tan kalagra ngadol utawi ngesahang **padruwen** Desa yang tan kasungkemin olih Krama Desa ring **paruman**.

Palet 6

Sukerta Pamitegep

Kaping 1

Karang, Tegal lan Carik

Pawos 28

- (1) Krama Desa pangamong Karang Desa utawi karang gunkaya patut ngawaterin karang inucap antul tembok utawi pagehan mangda pakantenannya asri
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan. Sajawaning tanah pacatu, tegal, carik utawi tanah padruwenyan ngaraga, sane kapiara watese sisi klod miwah kauh utawi manut drestha reh punika mawasta gegaleng kateben.
- (3) Prade karasayang pagehan/turus inucap ngalikadin, yan pada arsa panyanding kengin watese nganggen pinget kewanten, kasaksinin olih Prajuru Dulu Desa utawi pracinna pal saking Sang Ngawawenang.
- (4) Prade wenten karang kabeng/empet mangda kausahayang wenten pamarginya, manut paigum lan pararem.
- (5) Tan kengin :
 - Ha. Ngertungan wangken wewalungan kapakarangan/tegal anak lian, kalih kamargine utawi katukade;
 - Na. Ngembahang toya wit saking badan wewalungan, kakus, pasiramar, pawaregan, kategal, carik, kamargine utawi katukade, miwah sane sijosan, sane ngawinang ambu kawon;
 - Ca. Prade wenten sakadi ring ajeng keni pamidana manut pararem

Pawos 29

- (1) Sinalih tunggil Krama Desa/banjar tan kalurga;
- Ha. Ngalah-alah margi, tegal ayahan Desa, karang Desa, lan sabanuruggalannya;
- Na. Ngalah-alah tanah linggih kahyangan, tegak setra, lan sakancan linggih sinanggih suci.
- (2) Prade wenten sakaci ring ajeng, sang ngalalah wenang ngawaliang tanah inucap saha kené pamidanda manut pararem kadulurin upakara prade ngalalah tanah suci.

Kaping 2

P e p a y o n a n

Pawos 30

- (1) Ngawit nandur pepayonan tanem tuwuh patut adepa agung (1½ meter) ngajeroang saking wates, prade jantos ngaliwat wates wanang kasepat gantungin.
- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit, sang rumasa katetahan/kajerihan wenang masadok ring prajuru/Dulu, tur risampun kaparitas kalugra mademang wit inucap, sakewanten patin pepayonan patut katawur manut pangeloika sane nepasin.

- (4) Sang keni pamidanda panyangaskara saha prabeya manut pararem arep ring wewangunan sang karubuhin. Iuwire;
 Ha. Sang nruwenang wit sinanggeh mayanin, prade pungkut ngarubuhin krama tiyos ;
 Na. Sang notor, munggul utawi ngarebah taru tur ngarubuhin krama uyes.
- (5) Prade wenten wit mentik sajeronin wates patut kapademang, mangda tan ngranayang wicara. Prade sampun ageng kapedemang, wit punika pinara tiga :
 Ha. Apah tiga katur ring sang nruwenang wit.
 Na. Apah tiga katur ring sang panyandingnya
 Ca. Apah tiga katur ring Desa Pakraman
- (6) Yaning wenten taru pungkut utawi carang , daun lan buah ring sajeroning karang utawi tegal sane mapagehan trepti tan kangkat kajarah utawi kaambi! sajabaning sane maduwe kewanten
- (7) Yan wenten tetenderan , entikan ipun ngalimbak utawi ngalintangin kapakarangan wiadin tegal , carik anak siosan wenang kataban olih sang nruwenang karang, tegal utawi carik sane kaungsi olih entikan punika.
- (8) Krama Desa patut ngamanggehang kawerdian tanem tuwuh sane ngawinang Desane asli.

Kaping 3

Wewangunan

Pawos 31

- (1) Nyabran ngawangun patut :
- Ha. Mesadok ring Prajuru / Dulu, ping ajeng prade wewangunan nganinin wates.
 - Na. Ngangge sukat asta bhumi miwah gagulak asta kosala-kosali, sanistane manut patitis niskala.
 - Ca. Tar nyayubin kapisaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangda kakaryanang abangan.

Kaping 4

Wewalungan

Pawos 32

- (1) Warga Desa sane mamiaja wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletihin Kalyangan.
- (2) Prade wenten wewalungan malubar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur panebas papiaran tatabanan, manut pangelokikan Prajuru/Dulun Desa.

- (3) Prade jantos ngaletihin linggih suci, minakadi Pamrajan, risampun kaparitatas olih Prajuru / Dulu wenang sang nuwenang kadanda mabuhu agung (caru eka sata, maduluran tebasan prayascita durmanggala), prade ngaletihin Kahyangan Desa utawi Pura Pamaksan, wenang nyaronin antuk Panca sata makerep itik belang kalung.
- (4) Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawewenang.

Kaping 5

B h a y a

Pawos 33

- (1) Parindik bhaya, luwire ; jiwa bhaya, artha bhaya (kapandangan), dura cara ring Agama
- (2) Sang manggihin kahanan jiwa bhaya, patut nepak kukul bulus mapitulung manut pawos 20 (3) aksara ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawewenang.
- (4) Prade wenten jadma mamisuh utawi nguman-uman jadma tiyos, kakenanin pamidanda beya pacamil maduluran tebasan prayascitta.
- (5) Yaning wenten jatma majengilan ring bale banjar, ring Pura, utawi ring genah kasinanggeh suci, keni pamidanda manut pararem, maduluran panyangskara prade sang majengilan kantos ngamedalang rah.

Pawos 34

- (1) Sang manggihin kahanan artha bhaya (kamalingan), patut ngukul mapitulungan manut ring pawos 20 (3) aksara ha utawi sang kamalingan atur supeksa ring Prajuru / Dulun Desa sane pacang nimbangin utawi nandanin manut pararem, ^ saha maweweh panyangskara prade wenten jatma ngamaling barang sinanggeh suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru / Dulu jantos jatma tiOS nyaduang, patuit kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.
- (3) Prade wenten jatma ngarereh reramon, minakdi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut ;
 - Ha. Matengeran suwara (makaukan) ;
 - Na. Nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
 - Ca. Pamedal karangnya kadagingin sawen, maka cihna pangarah rikala suwung.

Kaping 6

Panyanggran Banjar

Pawos 35

Krama Desa rikala ngawentenang karya suka-duka, patut kasanggra olih banjar, luwire ;

- Ha. Prade ngawangun Pitra Yadnya utawi manusa Yadnya, manut pinunas sang mayadnya;
- Na. Pangrombo utawi karya gotong-royong krama jantos ping tiga, iangkungan ring punika patut katuran pangu;

- Ca. Panguku rikala Pitra Yadnya manut abot dangan yadnya, prade saking semengan ngantos wengi katuran panguku ping kalih.
- Ra. Pangrombo tiyosan manut pararem.

CATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 36

- (1) Kahyangan Panyiwian ring sawidangan Desa Pakraman Bada luwire ;
- Ha. Kahyangan Tiga, puseh miwah pura Dalem lan Prajapati
- Na. Pura Catut Bhuana
- Ca. Pura Bedugul
- Ra. Pura Manik Tirta
- (2) Rahina Piodalan ring soang-soang kahyangan inucap, kadi ring sor ;
- Ha. Ring Kahyangan tiga, luwire ;
- 1) Pura Puseh, rikala Buda Manis Prangbakat;
- 2) Pura Dalem, rikala Buda Wage Warigadian;
- Na. Pura Catur Bhuana rikala Saniscara Kliwon Landep;
- Ca. Pura Manik Tirta rikala Soma Umanis Towulu;
- Ra. Pura Bedugul ritatkala Purnama Kapat;

- (3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem
- (4) Pangempon soang-soang Pura manut dresta kadi ring sor ;
- Ha. Pura Fuseh, Kaempon olih Desa Pakraman ;
- Na. Pura Dalem, kaempon olih Banjar
- Ca. Pura-pura siwosan, minakadi;
- 1) Pura Catur Bhuana, kaempon olih Banjar/Desa pakraman;
 - 2) Pura Manik tirta kaempon olih krama Manik Tirta;

Pawos 37

- (1) Ring soang-soang Pura inucap patut kaadegang Pamangku;
- (2) Ngadegang Pamangku manut dudonan ;
- Ha. Nyanjan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konterg, lan sapanunggalannya;
- Na. Turunan utawi waris;
- Ca. Kacatri olih krama Desa
- (3) Tan kawenang adegang Pamangku luwire ;
- Ha. Cendangga makadi peceng, perot, cungh lan sapanungilan ipun;
- Na. Sang sapisira ugi sane kapatutang manut pararem;
- Ca. Sakit ila, ayan, buduh wiadin edan;
- Ra. Sane tan madrebe kasucian urip.
- (4) Prabia kapamangkuan;
- Ha. Adiksa widhi (ngawintenin) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;
- Na. Mapitra Yadnya riwekas lanang miwah istri patut kasungkemin olih Krama Desa utawi pangemong, sanistane Brahmaprayscale, panyanggrane manut pararem prade yadnya inucap kalaksanayang oleh wargan sira pamangku.
- Ca. Sinalih tunggil krama yang wenten ngipik-ipik sapari polah pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang, nyuciang pamangku, manut pararem.

- (5) Pamangku patut ngamanggehang sasananing Pamangku luwire;
- Ha. Ambek Dharma sadhu;
 - Na. Asewaka Dharma, makadang sastra utama;
 - Ca. Tan parek ring naya dustha;
 - Ra. Tan atayub ring tarub camara yudha;
 - Ka. Tan manjing ring umah wong banija karma;
 - Da. Tan manjing ring umah wong darati karma;
 - Ta. Tan wenang ajajuden;
 - Sa. Tan anginum asing angawe mada;
 - Wa. Tan pati pikul-pikulan;
 - La. Tan salah suluh ;
 - Ma. Tan wenang anayub upadrawaning cor, yan mamiyawahara teka wenang adewa saksi;
 - Ga. Tan griganing wong akweh;
 - Ba. Tan keneng cuntakaning wong len, sajawanin kulawarganya tunggil natah, utawi pasiwanya manut dresta.
- (6) Prade mamurug, wenang Pamangku nyepuhin raga kasaksinin olih Prajuru Desa.
- (7) Yan pacang ngawalat rabi wenang ngaturang ramuhun pawintenannya, ring pura genahnya madeg pamangku nguni, tembenya wawu wenang ngawalet rabi, riwus upacaraanya wenang ngawana wasa salaminya atahun, wus punika wawu mawinten lakibi kadi pawintenanya nguni.

Pawos 38

Swadharman pamangku luwire ;

- Ha. Ngenterang upacara piodalan ring kahyangan utawi ring soang-soang pakubuan krama;
- Na. Prade salah sinunggil Pamangku kapialang utawi nuwur cuntaka, kengin nguntap pamangku kahyangan desa tiosan utawi nuwur sang sulinggih;
- Ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten pamangku tan budal salami piodalan.

Pawos 39

Patias utawi olin-olihan pamangku luwire ;

- Ha. Panyolasan miwah sarin canang ring soang-soang pakubon krama Desa
- Na. Upon palaba carik miwah tegal manut pararem
- Ca. Luput pakatyan, rerampen/reramon, lan padagingan (luput manuk);
- Ra. Patias sewosan manut pararem.

Pawos 40

- (1) Pamangku kagentosin riantukan ;
 - Ha. Seda ;
 - Na. Pinunas ngaraga, sangkanin kageringan lan sapanunggalannya;
 - Ca. Kauwusang olih krama sangkanin malaksana sane tan patut.
- (2) Prade Pamangku kauwusang sangkaning malaksana tan patut keni pamidanda manut pararem saha ngawaliang prabeya pawintennya pecak.

Pawos 41 :

Kasukertan Kahyangan kadi ring sor ;

- Ha. Tan katugra ngaranjing kapura luwire ;
 - 1) Sang katiben cuntaka makadi sebel ring raga utawi kapademan
 - 2) Makta sahanan barang sinanggeh ngaletihin;
 - 3) Sato agung, sajawaning rikala mapapada;
 - 4) Mabusana sane tan patut kadi tatacaraning ngaranjing kapura;
 - 5) Sadereng polih wak-wakan (pituduh) Prajuru/Dulun Desa

- Na. Pratingkahe tan wenang ring Pura ;
- 1) Masumpah (cor) sawawaning pituduh Prajuru/Dulun Desa;
 - 2) Wak parusya/wak capala, makobetan, masasenengan, makolem dados asiki lanang wadon, mabacin, mawarih, macecepin rare, majaljal/majengilan, nyangsang busana, menahin pusungan (santukan punika rikala majajahitan patut magelung busung macingor lidinya)
 - 3) Mungguh tedun palinggih sawawaning pituduh Prajuru / Dulu.
- Ca. Sang mamurug kecap ring ajeng keni pamidanda pamrayascitta sapatutnya.

Pawos 42

- (1) Yan wenten jatma karawuhan ring Pura, dados kapintonin prade rumasa kasungsayan, yan tan wiakti, jatma inucap kasisipang manut pararem.
- (2) Prade Kahyangan kahanan durmanggala, minakadi keni bhaya pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet 2

Indik Resi Yadnya

Pawos 43

- (1) Sang pacang madeg pandita utawi Pinandita minakadi balian Sonteng, kubayan, Dalang, sakaluwiring sane jagi ngenterang yadnya patut masadok ring Prajuru Desa utawi Tarisada Hindu Dharma Indonesia.
- (2) Prajuru Desa patut ngawas nitenin tur wenang ngalahin prade wenten kecihnan nyasaring kakecap miwah drestane, tur sareng nyaksinin upacara saha nyobyahang ring paruman Desa tegep rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas sang Sulinggih riwekas katuntun olih Prajuru/Dulu Desa.

Pawos 44

- (1) Sang Sulinggih lan pamangku patut ngariyining muputang ring wawidangan Desa Pakraman Bada, sasampun punika wawu muputang yadnya kajebar tiyos Desa utawi kadura Desa.
- (2) Krama desa sami patut sareng ngawas nitenin katuntun olih Prajuru / Dulu-dulu, mangda sahanan yadnya sane kawentenang kaicen pamuput olih Pacanda utawi Pinandita manut kawenangannya soang-soang.

Palet 3

Indik Pitra Yadnya

Pawos 45

Pamargin Pitra Yadnya madudonan manut sakadi ring sor ;

- Ha. Pangupakaran Sang kalayu sekaran;
- 1) antuk mendem utawi ngeseng, makacihna pakinsan ring ibu Pratiwi utawi ring geni, salami nuptupang prabeya ;
 - 2) atiwa-tiwa (upakara pangabenan / palebon).
- Na. Upacara upakara Pitra yadnya riwusan kaabenan ngraris murggah daun bingin (ngaroras) manut dudonan Atma Wedana.

Pawos 46

Swadharmaning lan tategenan prade wenten sinalih tunggil Krama kelayu sekaraan

- Ha. Sang kaduhkitan patut ;
- 1) nyadokang ring Klian tur nunas tatimbang ring kawentenannya;
 - 2) ngaturin banjar ngarombo makarya eteh-ete sawa saha ngater kasetra, tur katuran panyambrama canang sasida-sidaan.
- Na. Swadharmaning Banjar ;
- 1) Klian Banjar maritatas pamargin sang kaduhkitan, napike pacang kapendem, makingsan riyin utawi lantur kaabenang;
 - 2) Prade kapendem, raris kaswarayang kulkul pamitahu manut pawos 20 (3) aksara na olih Klian Banjar utawi wakilnya.

- 3) Penyanggran Banjar salanturnyane ;
- Ha) soang-soangan Krama Banjar nedunang patus beras, kelapa, miwah manut pararem.
 - Na) ngarombo ngaryanin eteh-enteh sawa, kasarengin olih Krama sane rawuh ngarombo.
 - Ca) sami Krama Banjar ngeter kasetra jantos puput pamendemane.
 - Ra. Tan kengin ngalelet langkungan ring 7 (pitung) rahina, tur patut polih pagebagan manut paetengan Klian Banjar / patus.
 - Ka. Tan kalurga nginepang bangbang miwah mendem rikala ;
 Sernut sadulur
 Kala gotongan
 Pasah,
 Kliwon, kajeng Kliwon,
 Soma, Umanis, Taulu,
 Was panganten,
 Ingkel wong,
 Prawani, Purnama, Tilem,
 Rerahinan jagat,
 - Da. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kulkul tur mamargi wengi/sasiliban .
 - Ta. Pamargin pamendeman utawi palebonan mangda nganutin sastra agama lan dresta.

Pawos 47

- (1) Sane kasinanggel: kacuntaka sakadi ring sor ;
- Ha. Cuntaka antuk kalayu sekaran;
 - Na. Cuntaka antuk ngraja swala ;
 - Ca. Cuntaka antuk ngembasang putra ;
 - Ra. Cuntaka antuk karuron ;
 - Ka. Cuntaka antuk sakit ila, buduh ;
 - Da. Cuntaka antuk pawiwahan ;

- Ta. Cuntaka antuk gamia gamana ;
- Sa. Cuntaka antuk salah timpal ;
- Wa. Cuntaka antuk yaning wenten anak istri mobot nenten kaupakarayang pabiukawonan miwah pawidiwidana;
- La. Cuntaka antuk mamitra galang
- Ma. Cuntaka antuk yaning wenten anak istri ngamedalang putra sadurunge maupakara pabiukawonan miwah pawidiwidana ;
- Ga. Cuntaka antuk sad Tatayi
- (2) Sengker cuntaka manut kawentenannya ;
- Ha. Cuntaka kalayu sekaran, cuntakannya kaanutang ring loka dresta Desa Pakraman soang-soang ;
- Na. Cuntaka ngraja swala, 3 (tigang) rahina ngawit saking ngraja swala utawi salamaning ngraja swala.
- Ca. Cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maprayascitta manut sastra Agama, lanang wiadin istri;
- Ra. Cuntaka karuron, cuntakannya abulan pitung rahina (42 rahina) tur sampun matirta pamrayascita;
- Ka. Cuntaka sakit ila, buduh/edan, cuntakannya manut ilikita pastika saking Sang ngawawenang/sang nambanin miwah sampun mrayascita raga ;
- Da. Cuntaka pawiwahan, cuntakannya ngantos sesampune matirta pabiukawonan ;
- Ta. Cuntaka gamia gamana, cuntakannya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Pakraman / Kahyangan ;
- Sa. Cuntaka salah timpal kapuputang manut ring sastra Agama Hindu;
- Wa. Cuntaka anak istri mobot nenten kawentenang upakara pabiukaonan; cuntakannya ngantos kawentenang upakara pabiukaonan;
- La. Cuntaka mamitra galang, cuntakannya ngantos kawentenang upakara pabiukaonan;
- Ma. Ngembasang putra nenten kawentenang upakara pabiukaonan miwah pawidiwidana, cuntakannya ngantos wenten sane meras sang putra, lan sampun kawentenan upakara manut ring sastra Agama Hindu :

Ga. Cuntaka Sad Tatayi, cuntakannya ngantos sampun maprayascita raga tur nenten pisan dados ngamungganng upakara padwijatian

(3) Cuntakar kalayu sekaraan/kapademan ;

Ha. Kapendem cuntakannya :

- 1) Cuntaka/sebel kabanjar ngantos 12 rahina riwusnya mendem/manut drestha utawi sasampun polih painrayascita.
- 2) Kulawargania sajeroning pakarangan manut dresta.

Na. Kaabenang cuntakannya :

1. Sang nyambut karya Pitra Yadnya cuntakannya ngawit saking nyambut padewasan karya, wusan mapega, kalanturang malih 12 rahina.

(4) Sane katiben cuntaka luwire ;

Ha. Kalayu sekaran sane kacuntaka ;

- 1) sang sane kalayu sekaran ;
- 2) kulawarganya ;
- 3) babajaran ;

Na. Ngraja swala sane kacuntaka ;

- sang sane ngrajaswala

ca. Ngembas putra sane kacuntaka ;

- Kawulawargania sane ngembasang putra lanang wiadin istri

Ra. Pawiwahan sane kacuntaka :

- sang sane ngalaksanayang pawiwahan lanang wiadin istri

Ka. Sakit ila/buduh, sane kacuntaka raganya dawak.

Da. Karuron sane kacuntaka ;

- Kawula warganya lanang wiadin istri

Ta. Gamia gamana sane kacuntaka ;

- 1) Sang sane ngalaksanayang gamia gamana;
- 2) Desa adat nyane ;

- Sa. Salah timpal sane kacuntaka ;
- 1) sang sane malaksana salah timpal ;
 - 2) kaluwarganya
 - 3) desa pakraman
- wa. Anak istri mobot nenten kawentenang upacara pabiukaonan sane kacuntaka .
- Sane maraga istri (sane mobot)
- La. Mamitra ngalang sane kacuntaka ;
- Sane ngalaksanayang mamitra ngalang
- Ma. Ngembas putra nenten kawentenang upacara pabiukaonan miwah upacara pawidi widani sane kacuntaka :
- 1) Sang sane ngembasang putra
 - 2) Putra sane embas
- Ga. Sad Tatayi, sane kacuntaka ;
- Sang malaksana Sad Tatayi.
- (5) Tan keneng cuntaka, luwire :
- 1) Sang sulinggih lan pamangku kahyangan tiga ;
 - 2) Rikala piodalan risampun ngalang sasih/ngalang tengah.

Pawos 48

- (1) Attiwa-tiwa (pangabenan) kalaksanayang antuk :
- Ha. Sawa prateka, pangabenan mawatang sawa;
- Na. Sawa resi, pangabenan mawatang antuk sawa kresyan;
- Ca. Suwasta, pangabenan mawatang sawa sane tan ka'keniang, kagentos antuk lalang utawi toya.
- (2) Panemaya pangabenan wenten kalih pawos :
- Ha. Ngaben dadakan / bah bangun manut pararem;
- Na. Ngaben ngamasa, manut pararem
- (3) Dudonan pangabenan ngawit saking ngagah (seda), ngeseng ngantos pangiriman utawi nganyut

Pawos 49

- (1) Peputusan pangabenan wenten kalih pawos :
- Ha. Ngaben ngamasa luwire : beras, ayam, kelapa, gesing, papah jaka, kelangsah miwah sane sewosan manut pararem.
- Na. Nagben dadakan, pateh sakadi patus seda kapendem.
- (2) Pangingune ring Krama banjar ngawit ngayah manut abot dangan kawentenan karya.

Palet 4

Indik Manusa Yadnya

Pawos 50

- (1) Manusa Yadnya inggih punika upacara – upakara Dharmaning Kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan sakadi ring sor :
- Ha. Magedong-gedongan duk pangerempinian ibiang ;
- Na. Duk sang karmareka medal ;
- Ca. Kepus odel ;
- Ra. Roras rahina ;
- Ka. Tutug kambuhan (42 rahina) ;
- Da. Nigang sasihin (3 sasih) ;
- Ta. Pawetuan / otonan / odalan (6 sasih) ;
- Sa. Tutug kelih (ngraja swala wadone, negmbakin lanange)
- Wa. Matatah / mapandes ;
- La. Mawiwaha ;
- Ma. Mawinten .
- (3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 51

- (1) butha yadnya inggih punika upacara-upakara byakala ring Pratiwi lan Kahyangan, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
 - Ha. Ring sarwa lelandep rikala Saniscara Kliwon wara Landep ;
 - Na. Ring sarwa tumuwuh lan piranti rikala Saniscara Kliwon wara Wariga;
 - Ca. Ring sarwa syandana/wahana rikala Saniscara Kliwon wara Kuningan;
 - Ra. Ring sarwa lelanguan rikala Saniscara Kliwon wara Krulut ;
 - Ka. Ring sarwa ingon-ingon/wewalungan rikala saniscara Kliwon wara uye
 - Da. Ring sarwa raringgit, ukir-ukiran rikala Saniscara Kliwon wara Wayang;
 - Ta. Upacara pakala-kalan manusa manut widana, kabawaos pabyakala.
- (3) Upacara pabyakala ring Pratiwi, Kahyangan lan babuthan kawastaning macaru.
- (4) Pacaruan inucap ring ajeng nista, madia, utama, manut wiguna kadi ring sor :

Ha. Ekasata ;	Na. Panca sata;
Ca. Panca sanak ;	Ra. Resi gana ;
Ka. Tawur Agung	da. Panca kelud
- (5) Sajawaning kadi ring ajeng kawentenang upakara ;
 - Ha. Majot-jotan utawi yadnya sesa nyabran wusan ngatareng;
 - Na. Masapuh-sapuh rikala pacang wali ring pura ;
 - Ca. Pacaruan pasasihan kalaksananya yang nangken Tilem ngawit sasih ka 5, 6, 7, 8, lan ka 9, sajawaning wenten durbiksan jagat.

Pawos 52

- (1) Nangken ngawarsa rikalaning Tilem kasanga kawentènang tawur kasanga, ka!anturang antuk ngarupuk, makacihna pacang mapag rahina penyepian benjangne.
- (2) Brata penyepian sane kamargiang olih krama Desa;
 - Ha. Amati geni, tan kengin maapi-api ;
 - Na. Amati karya, tan kengin nyambut karya;
 - Ca. Amati lelungan, tan kengin maoneng-onengan, masuwara gora, lan sapananunggalannya ;
 - Ra. Amati lelungan, tan dados malancaran
- (3) Pabratan inucap kamagiang saking semeng ngantos sememng benjange raris kasurwarayang kulkul pinaka cihna pangembak.
- (4) Sang mamurug kecap ring ajeng keni pamidanda manut pararem banjar/tempek soang soang kamargiang olih patelik (pecalang Desa)
- (5) Riwus rahina Nyepi (benjangne) m'ka cihna pangawit Isaka Warsa, patut warga Desa sami madharma Santi .

PANCAMA SARGAH

SUKERTA TATA PAWONGAN

Palet 1

Indik pawiwahan

Pawos 53

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upaksaksi sakala niskala.

- (2) Pamargin pawiwahan luwire ;
- Ha. Papadikan, kamanggala entuk pekrunayan ;
 - Na. Ngarorod, marangkat riyin wawu kekrunayang ;
 - Ca. Nyeburin utawi sentana nyeburin (risampun nganutin upakara pamerasan) ;
- (3) Pidadab sang pacang mawiwaha patut ;
- Ha. Sampun manggeh daba – taruna (prasida nganutin Undang-undang)
 - Na. Sangkaning pada lila (tan kapaksa)
 - Ca. Manut kecap satra Agama (tan gamia gamana)
 - Ra. Kasudiwani prade pangambile tiOS Agama, utawi kapatiwangi ;
- (4) Pamargin pawiwahan mangda taler nganutin Undang-undang Perkawinan sakeng Sang Ngawawenang

Pawos 54

- (1) Pawiwahan sane kapatutang ring Desa, sakadi ring sor ;
- Ha. Sampun kamargiang pabyakala utawi pasakapan, kasaksiang sakala niskala olih pandita utawi Pimandita ;
 - Na. Wenten pasaksi Prajuru/Dulu-dulu sane mapakelingang utawi ngilikitayang pawiwahan ;
 - Ca. Sampun matengeran suwaran kulku' ;
 - Ra. Pawiwahan inucap ring ajeng sampun kacatetang ring sang Ngawawenang
- (2) Parabian sane tan manut kadi kecap ring ajeng sinanggeh tan patut.

Pawos 55

Tata caraning parabian patut sakadi sor ;

- Ha. Sapa sira ugi-pacang ngawarangang pakulawarganya patut masadok ring Prajuru/Dulu-dulu, salanturnya Prajuru/dulu maritatas manut tan manut pamargin parabiane ;
- Na. Pamargin pepadikan manut dudonan ;

- 1) Pakrunayan jantos ping tiga, saha soan-soang malarapan ;
 - Ha) kapertama antuk canang / sedah ;
 - Na) kaping kalih antuk canang pangrawos ;
 - Ca) kaping tiga antuk daksina pajati kabawos pamuput pamadikan.
 - 2) Risampun puput raris sang istri kaajak budal ring pakubon sang-lanang, saha kalanturang antuk pabyakala.
 - 3) Mangda puput tumus sakala niskala, raris kulawarga purusa makta pajati ring Pamrajan wadone.
- Ca. Prade ngarorod/marangkat patut :
- 1) Reraman lanange ngawentenang pamilaku/pangeduh antuk dua sakirangnya 2 (kalih) diri ;
 - 2) Pagenahan antene tan kengin ring pakubon sang lanang sadereng mabeyakala.
- Ra. Sajeroning pakrunayan/pangelukuan patut :
- 1) Kamanggala antuk geng pangampura arep ring reraman wadone ;
 - 2) Kaigumang bawos idih pakidih utawi palegayang arep ring pasewakan sang ngidih saha dewasa pakrabkambeyan nyane riwekas ;
 - 3) Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur ring sampun sulur pamerasan kategepin kamanggehang sentana nyeburin ;
 - 4) Prade tan terima pajati, pakrunayan kamargiang jantos ping tiga.
- Ka. Pakerab-kambeyan mapiteges upacara tinas apadang (Puput) maokuren, duwaning manut sakadi ring sor :
- 1) Sajeroning kabawos ambe, kalaksanayang ring sakala niskala masrana jajauman miwah pawidi widana ;
 - Ha) Jejauman pinaka ngambe / ngadungang kayun soang-soang pakulawargan wadone;
 - Na) Widi widana pinaka pajati niskala nunas wadone ring Pamrajanya.
 - 2) Sajeroning bawos kerab pamargi ring sakala ;
 - Ha) antuk panyaksi Krama Banjar, duwaning kaparabiang matengeran swaran kulkul ;
 - Na) parnekas pasaksi Prajuru/Dulu-dulu sane ngilikitayang.

Palet 2

Indik Nyapian

Pawos 56

- (1) Pawiwahan Prasida kawusang malarapan antuk palas parabian utawi kapademan
- (2) Wusan mapakuren riantukan sinalih tunggil seda mapiteges balu, makadi balu lanang/istri.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru Nyobyahang kawentenannya ring Desa saha keni panebas suwaran kulkul manut pararem.

Pawos 57

Tata cara palas parabian sakadi ring sor :

- Ha. Nawur prabeya pasaksi sinalih tunggil sami matenga ;
- Na. Pagunakayan polih pahan pada ;
- Ca. Pabekel, tadiadan soang-soang kakuasa niri-niri miwah warisan kakuasa olih purusa;
- Ra. Nagweruhin miwah ngupajiwain pratisentana manut swadharmaning guru rupaka ;
- Ka. Nawur pramidanda panebasan swaran kulkul manut pararem ;
- Da. Ngelung jinah logika Prajuru/Dulu ;
- Ta. Mapamit ring pamrajan lanange .

Pawos 58

Prade riwekas sang palas kacihnan adung malih, parut :

- Ha. Ngalaksanyang pawiwahan malih ;
Na. Kadanda nikel saking palase.

Pawos 59

(1) Sang Balu kabinayang dados :

- Ha. Balu luh wit sentana (sentana rajeg) miwah balu luh boya sentana ;
Na. Balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut ;

- Ha. Ngemanggehang patibrata tan kengin ngamargiang paradara/darati krama ;
Na. Nguasayang waris pagunakaya, tan dados ngadol, ngadeang, makidiharg lan siosan punika, sajawaning kabebasan olih pianak utawi kulawarga pinih tampek sakeng kurenannya prade pianak kantun alit-alit ;
Ca. Kengin ngidih sentana prade wenten pidabdab sadurung sinalih tunggil padem, saha kabebasan olih kulawarga sakeng kapurusan ;
Ra. Kawenangang mawiha malih, prade wenten kabebasan manut angka/aksara ring ajeng.

Pawos 60

Balu kaucap tan pageh sakadi ring sor ;

- Ha. Darati krama utawi paradara ;
Na. Matilar saking pakubon tan passadok jantos 6 (enem) sasih ;
Ca. Lempas ring swadharma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 61

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tang kapatut ngawetuang sentana, mangda tan kantun kawastanin babinjat utawi astra patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :
 - Ia. Pratisentana wadon tunggal ;
 - Na. Sampun kamanggehang dados pratisentana lanang (purusa) ;
 - Ca. Kapawiwahan kaceburin kautamayang antuk jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani ;
 - Ra. Sane ngamanggehang sentana rajeg patut mapasadok ring Prajuru banjar, tur I Klian Banjar patut nyobyahang ring Banjar saha ngaturang ring Prajuru Desa Pakraman .

Pawos 62

- (1) Ngangkat sentana manut dudonan patut makacihna arta berana pamerasan sane kesaksiang sakala-niskala :

- (2) Sapa sira ugi krama pacang ngidih sentana patut masadok ring Bendesa sanistane 3 (tigang) sasih sadereng pamerasan. Bendesa ngalanturang pakarsa punika ring sang ngawa wenang ;
- (3) Bendesa kawakilin olih Klian-Klian Banjar nyobyahang ring sawidangan Desa, sang sapa sira ugi rumasa tan li'a mangda nyadokan masengker kalih wuku (14 rahina) sabanen pamerasan ring Bendesa ;
- (4) Prajuru / Dulu Desa digelis mawosin saha ngicenin pamutus nepek ring catur dresta miwah pararem ;
- (5) Prade sulur paperasan tan manut kadi kecap ring ajeng, Prajuru/Dulun Desa wenang nganeg sang pacang mameras saha ngicenin pamutus mangda kapuputang riya babawos, sulur utawi wicararaya.

Pawos 63

- (1) Paperasan sane kapatut ring Desa risampun makacihna ;
 - Ha. Widi-widana paperasan ;
 - Na. Kasaksinin olih prajuru Desa sane makel ngang utawi ngiikitayang.
 - Ca. Kasobyahang ring wawidangan Desane.
- (2) Sane patut kaperas angge sentana kadi ring sor ;
 - Ha. Jatna maagama Hindu
 - Na. Papermahan nedunang saking sang meras ;
 - Ca. Kuliawarga saking purusa, prade tan wenten kengin sakeng wadon, yening taler tan wenten wawu kengin sakama-kama (saking kayun);
 - Ra. Kautamayang saking waris pancer kapurusa ;
 - Ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakawenten sane maagama Hindu .
- (3) Kengin ngangkat sentana langkugan ring adiri, lanang wiadin wadon, prade ngangkat sentana lanang wadon, nenten dados kapawawihan.

Palet 4

Indik Warisan

Pawos 64

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunanya.
- (2) Kang sinanggeh warisan luwire ;
 - Ha. Duwa tengah, makadi tegal, ayahan Desa, Kahyangan, pusaka siwa pakarana lan sapanunaggalannya ;
 - Na. Pamerajan ;
 - Ca. Pagunakayan, tadtadan / jiwa dana, hutang piutang .
- (3) Wawan kengin kapawos warisan prade wenten :
 - Ha. Sang mapiturun (pewaris) ;
 - Na. Katurunan (ahli waris) ;
 - Ca. Artu berana miwah tategenan makacihna warisan .

Pawos 65

- (1) Ahli waris luwire :
 - Ha. Prastisentana purusa ;
 - Na. Prastisentana pradana (sentana rajeg)
 - Ca. Sentana paperasan lanang/wadon
- (2) Prade tan wenten sakadi ring ajeng, kang sinanggeh ahli waris :
 - Ha. Turunan purusa pernah ngunggahang, rerama lanang, pekak saiantur :pun rerama misan, mindon ;
 - Na. Turunan purusa pernah kasamping makadi kaponakan, misan, mindon.

Pawos 66

Swadharmaning ahli waris patut :

- Ha. Narima saha nguwasayang tetamian pahan saking kaluhurannya, makadi ngarempon sanggah, Pura saha pangupakaranya miwah nyeledihinin ayah-ayahan pawaris ;
- Na. Ngabenang pawaris saha ngalanturang upacara-upakara pitra yadnya.
- Ca. Nawurin hutang-hutang pawaris sane manat pangelokika.

Pawos 67

Pangepahan waris manut sakadi ring sor :

- Ha. Risampun kalaksanayang Pitra Yadnya lan hutang-hutang pawaris buantas katawur ;
- Na. Para ahli waris polih pahan pada sangkaning pagunakayan, sajabaning karang / tegal, ayahan Desa kaamong olih ahli wris kung sinaggeh Krama ngarep ;
- Ca. Sinalih tunggil ahli waris kengin tan polih pahan prade ;
 - 1) Nilar kawitan lan sesananing Agama ;
 - 2) Alpaka guru rupaka ;
 - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- Ra. Boya ahli waris kengin muponin hasil manut dudonan luwire :
 - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon ;
 - 2) Balu luh wiadin muani nyeburin (soang-soang boya sentana) ;
 - 3) Muilih daha utawi taruna, riantukan ring pawiwahane pecak sampun kabawos ninggal kadaton.
- Ka. Pawaris kengin maweweh rikala maurip pinaka jiwa dana, tadadan/ bekel, makacihna paweweh tetep ring pianak sane kesah mawiwaha.

Pawos 68

- (1) Prade sajeronin pakulawarga wenten ahli waris langkungan ring adiri patut ;
- Ha. Kawentenang paigum indik pedum waris inucap ;
- Na. Yen tan prasida katunasang tatimbang ring Prajuru (Kerta Desa) ;
- Ca. Prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputungan, patut Prajuru/Dulu-dulu nibakang ring :
- Ia. Sang sinanggeh ahli waris manut pawos 64 ;
- Na. Sang kengin anggen sentana manut pawos 63 angka (2) miwah angka (3) ;
- Ca. Prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade jantos karang Desa kaepah utawi kasepih, patut soang-soang nedunin makrama, mabanjar karang.

SAT SARGAH

WICARA LAN PAMIDANDA

Palet 1

Indik Wicara

Pawos 69

- (1) Sane werang mawosin makadi mutusang wicara ring Desa inggih punika Prajuru Ditu Desa sinanggeh Kerta Desa.

- (2) Tata dudonan mawosin saha muputang wicara warga desa kadi ring sor:
- Ha. Kaping ajeng kabawos olih Kelihan Banjar.
- Na. Tan cumpu ring panepas Kelihan Banjar, karerehang pamutus ring paruman banjar.
- Ca. Prade tan cumpu ring pamutus Banjar, katumusang ring Bendesa Pakraman lan Kerta Desa.
- Ra. Taler tan wenten cumpu ring pamutus Bendesa lan Kerta Desa Katunasang ring Paruman Desa Pakraman.
- (3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 70

- (1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa / Banjar, Prajuru / Dulu patut digelis mawosin tan nyantos pasadok .
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta .

Palet 2

Indik Pamidanda

Pawos 71

- (1) Desa Banjar wenang niwakang pamidanda ring warga Desa/ Banjar sane sisip.
- (2) Paniwak inucap kalaksanayang olih Bendesa / Klian Banjar

- (3) Bacakan pamidanda luwire
 Ha. Ayahlan panukan kasisipan ;
 Na. Danda arta;
 Ca. Karorayangng ;
 Ra. Panyangaskara ;
- (4) Pamidanda sane katiwakang patut masor singgih manut ring kasisipane
- (5) Jinah utawi raja brana pamidanda ngaranjing dados druwen Desa / Banjar.

Pawos 72

- (1) Krama sane tangkungan ring tigang paruman ngalantur tan nawur urunan miwah dadandan wenang karampas.
- (2) Rerampasan ngangge tata cara kadi ring sor :
- Ha. Kalaksanayang olih Prajuru kasarengin olih Krama saakeha tigang diri maka saksi ;
- Na. Sang ngararapas sangkanin darsana ngambil barang utawi nyawenin tanem tuwuh, akehnya manut ring utang sang karampas, sang karampas mangda lila nyukserahang barangnya sane dados wala;
- Ca. Prajuru/Dulu miteketang mangda barang-barang sane karampas digelis katebus, masengker awuku (7 rahina) ring kutus rahinane pacang kaadol;
- Ra. Tan nganinin saluwir barang sane patut inggilang manut Agama miwah tan mademang pangupa jiwa sang karampas.

Pawos 73

- (1) Prade sang pacang karampas ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen puru taler ngalangin palaksanaan kadi ring ajeng tan wenten pamargi sajawaning kasepekang olih Krama Desane.

- (3) Pamidanda inucap ring ajeng keni buntas risampun sang kakeninin :
- Ha. Nunas geng pangampura ring Krama Desa riantukan nguak pasubaya (pararem) pecak;
- Na. Nawur pangargan panguak pasubayane duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH

NGUWAH – NGUWUHIN AWIG – AWIG

Pawos 74

- (1) Nguwah-nguwuhin Awig-awig Desa puniki kalaksanayang ring paruman Desa
- (2) Awig-awig puniki kamargiang ngawit kaingkupin (kararemin)

Pawos 75

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem- pararem.

ASTHAMA SARGAH

SAMAPTA

Pawos 76

- (1) Awig-awig puniki kararemin duk rahina Buda Kliwon Wuku Sinta pananggal ping 5 (lima) sasih Kasa isaka 1924 tanggal Masehi 11 September 2002 ring Desa Pakraman Bada.
- (2) Awig-awig puniki kalingga tanganin olih Bendesa lan Prajuru Pakraman, kasarengin Klian Banjar, saha kasaksin olih Prajuru Dinas pinaksa saksi.

(3) Luwir sang ngalingga tanganin :

Na. Kaprathama Prajuru Adat :



2. Panyarikan

INYOMAN GIRA



4. Petajuh

IWAYAN RUDIKA

Na. Kapring kalih Prajuru Dinas pinaksa saksi :

5. Camat Payangan

DRS. I MADE SURI SUDHARMA PUTRA

6. Perbekel Buahman Kaja

MADE SURJAYA

Mengetahui dan telah dicatatkan

Pada Tanggal : 15 September 2003

Nomor : 11 Tahun 2003

BUPATI GIANYAR



R. A.A.G. AGUNG BHARATA, SH.